


Stret Fasin blong planem Mahogany

1. Stret spacing blong planem Mahogany emi 6m x 6m. Yu save planem wetem kakai or em wan nomo.



2. Mahogany tri I save gro long ol ples we I drae mo I wetwet.
3. Stret taem blong katem Mahogany tri I ko long timba emi 20-35 yia.
4. Wud ia ino nidim pruning (katem aot sam fes branj) be yu save mekem tinning (katemaot sam spos ol wud I fasfas tumas)

Faenol prodak

1. Yu save mekem mani long timba blong em.



Sapos yu wantem moa infomesen
long Mahogany yu save
Kontaktem Dipatmen blong
Forestri long Vila
or luk ol Forest Ofisa long Province
blong yu blong oli save helpem yu.

Address blong mifala I stap andanit
long pepa ia wetem telephone namba
blong Dipatmen.


Forest Department
PMB 9064
Port Vila

Phone: 23171/23856
Fax: 23856
E-mail: forestry@yahoo.com.vu



Dipatmen blong Forestry I prodiusum smol liflet
ia wetem faenensial sapot blong NZaid long saed
blong woodlot trening mo nurseri manejmen

Stret taem blong Mahogany frut I redi



Fruit blong Mahogany I redi long manis blong Okis mo Septemba long evri yia.

Blong jekem se frut I redi?

1. Jekem se sids blong em insaed emi braon gud mo I strong. Sapos we sids I Waet, I minim se I no redi yet.
2. Taim frut redi gud, I save brok taim I stap yet antap mo ol sids I save foldaon olbaot be bae oli stil gro.
3. Afta we yu kolektem frut, brekem evri fruit blong karemaot ol braon sids we I stap insaed.

Hao nao bai yu tritim ol sids afta we yu kolektem.



1. Brekem ol frut mo karemaot ol braon sids mo putum gud insaed long wan bak.
2. Livim i stap long 2-3 wiks blong i drae gud bifo sowem o berem long germinesen box.
3. Taem blong planem, brekemaot smol longfala end blong sid. Berem end ia we yu brkem I fes I go daon long kraon o mekem sid I silip flat long graon afta berem smol.

Stret Fasin blong Lukaotem ol sidlings long neseri.



ova naet

1. Mas miksim kraon blong yu. Karem 2 bak kraon mo wan bag sand bij mo miksim gud bifo yu fulumap long germinesen box. Mekem sem samting long kraon we bai yu fulumap long ol plastic.
2. Wotarem ol sids ia evridei blong mekem se kraon I wetwet gud oltaem.
3. Yu save planem stret nomo insaed long plastic olsem long pikja antap. Pulumaot eni kras we I gro insaed long plastic blong mekem se I gat inaf kakai long graon blong sapotem ol sidlings.
4. Livim ol sidlings long stand out bed blong narafala 3 manis afta yu karemaot lif coconut or krin net mo livim I stap wan open spies we I save receivem sunlaet blong narafala 3 manis bifo yu save planemaot long fil.